

Vorrede.

(Doch sonder vnnötigen Ruhms solches gesagt seye) in meinen viljäh-
rigen peregrinationen zu Wasser vnd Land/an Schiffporten/in Fel-
sen/auff Bergen vnd ebenen Gründen/viel vnd ansehnliche auff obbe-
schribne bede manier befestigte Plätz/theils wol vnd fleissig nach gele-
genheit besehen / theils bey dero aufferbarsung mit meiner wenigkeit
mich befunden hab: so befind ich doch nach meiner Einfalt/das anderst
hierüber nicht judicirt werden könne / als dasz diese Species Archite-
cturæ Militaris, wa die anderst wolständig erhalten soll werden/nicht
dapfferer noch besser/als durch den Gewalt/vnd vor der Faust zu de-
fendirn vñ zubehaupten seye. Sintemalen fast alle Augenblick/nach
dem man des Feinds propositum, gesuchte vorthail/verwechslungē/
vñ rencē advertirt, hingegen in gleichem newe opera mit gegenschanz-
ungen/ vnd gleichmässigen attentaten müssen fürgenomen/ vnd mit
seinen defensorn nach Notdurfft besetzt werden. Daher leichtlich zu-
erachten/dasz die moderation vnd anstellung solcher in so kurzer Zeit
veränderliche Wercken/nur bey den wolersfahrnesten teuren Kriegs-
Obristen / vnd dero mit zu rath gezogenen hochvernünfftigen Inge-
nieurn gesucht werden könne/welche durch die schärpffes verstands/
vnd lange Übung/ja auch wol durch sonderbare Gaben des Aller-
höchsten/so vil zu wegen gebracht/dasz sie auch die heimliche anschlag
irer Feind beyzeiten riechen/ sich darauff mit aller gegenberaitschafft
gefast machen/ vnd wie wunderliche sachen die Gegenpart fürzunem-
men bedacht ist/ (inmassen man von Proteo fabulirt, dasz er jetz mit
Feswr/ jetz mit Wasser; bald mit Basilisken vnd Colubrinen, bald
inn anderer Form sich zur Gegenwöhr gesetzt /) sie eben so wunder-
lich ihr Gegenwerck zuberathschlagen / vnd in effect zubringen ver-
mögt seyn. Derowegen ich hier von längern discurs einstelle / vnd
auffer etwas geringes / so im Andern Theil dieses Tractats mit
Num. 10. fürgerissen wirdt/ das vbrige wenige/ so ich sonst obser-
virt, vnd erkundigt/ zu privat meiner recreation zu reservirn bedacht
bin. Wann aber neben diesem/ noch ein wolbedürfftiges / auch der
vielernanter Architecturæ Militari sehr angenemes wol anstendi-
ges Mitglied / dessen sie nicht wol entperen kan / in acht zunehmen
ist / Nemlich die Architectura Martialis, vnter derer Tach der bra-
vo Mars seine Instrumenten zum Vorrath / vnd in guter Bereit-
schafft vnterhalten muß; anderer Gestalt / vnd inn Mangel des
selbigen / ihme die Geschütz / vnd Wassen / neben der darzu gehö-
rigen Munition bald zu grund gehen / vnd er durch solches Ver-
derben wenig Ehr einlegen wurde; Vnd dieweil fürnemblich mein
Erstes opus die Halinitro - Pyrobolia, oder Newen Büchsenma-
sterey

Es gehöre
zu de Kriegs-
bau ein so-
dere
Macht.

Auch be-
sondere an-
schlagige
Personen.

Archite-
ctura Mi-
litaris hat
noch ein se-
wol ansten-
diges Mit-
glied/nem-
lich die Ar-
chitectu-
rā Martia-
lem.